

玉
鑑
堂
詩
集

玉鑑堂詩集卷一

吳興叢書

烏程汪曰楨著

同邑後學劉承幹編次

秋暮舟中

蓼花瑟瑟漾晴湖
雁影疏疏傍碧蘆
江上布帆江底月
載將秋夢到姑蘇

題董鑄范

蠡舟

花坪長憶圖

悼亡詩卷

四首

手把張融酒一瓶
不教讀畫也惺惺
天涯同作分飛鳥
君是鴛鴦我脊令

謂未齋兄之逝

家宴團園昔日誇
春風吹到又繁華
從今只種相思草
不看人間富貴花

一樣乘鸞舊日姿
費他潘岳悼亡詞
倘教當着真真喚

未必終無下地時

一回展卷一魂消深夜孤燈只獨挑弄玉已無同去事
秦臺空自憶吹簫

君自題鳳皇臺上憶吹簫詞一闋

次韻答戴秋憶四首

頻年碌碌感平生曠有粗疏嬾性情煮胛時光真幅仄
奔摹世事不分明何須博到鑑銖利敢望傳來竹帛名
一水盈盈相阻處金蘭舊契且尋盟

別後相思漫淚流天涯本與比鄰侔好如白傅娛三泰
莫學張衡賦四愁夢裏有途應共識閒中無句不相酬
滿林紅葉飄零候瞬眼光陰又一秋

中庭白醉愛冬陽今古閒來細較量世事多虛嗤墨子

文才全盡笑江郎塵閒那有登空道何處能藏隱化章
還望他時頻過我與君同醉綺梅旁

紡車

比戶紡車鳴宵來聲唧唧伴我擁鼻吟吁哦互相雜民
事有農桑男子勤稼穡婦人無公事所修在蠶織月得
四十五全賴此永夕絡緯鳴秋風肌膚欲斂裂寸心如
素絲緒亂難尋繹他年作嫁衣又爲他人得織盡壁間
燈我亦吟聲絕

夜坐

已逢長至候猶似小春時體弱知寒早窗深得月遲風
威來北牖花訊到南枝最喜更籌永燈前一卷持

唐花

勝他翦綵出唐宮
難火曾教晝夜烘
只臘江梅三兩點
清閒不入熱場中

囀噴曲

前月牽衣別歸期
數正逢願君行
估去莫上尾生橋
擣衣曲

只恐遠戍寒不惜
擣衣苦但願郎心堅
似此砧與杵

婕妤怨

回思邀龍日
愁見玉階苔
終歲如茵綠
羊車來不來

照鏡詞

對鏡理晨妝
鏡裏妝何靚
惟願妾與郎
相將若形影

雜詩

駿馬處蒿萊不上黃金臺千金市駿骨驥驥相將來得士不愛士士至却復回世已無伯樂中心空紫洞苔遭鹽車厄胸次鬱不開

識字憂患始文章安足珍昔者秦始皇焚書非無因上古無書契愁不纏其身造字有蒼頡人始滴其眞

人當貧賤時每憶一飯恩一朝得富貴不察雞與豚食前必方丈歌舞娛晨昏狐裘與短褐今昔殊寒溫箕踞東面坐井蛙妄自尊千金不足貴一飯安足論王孫垂

釣處千載波沄沄

世路盡崎嶇處世良獨難上古俗淳厚追憶空長歎有

如大海中滾滾多狂瀾插足塵寰閒何地身可安幸有
田可耕不至飢與寒行路本非易慎勿跨征鞍

廢宅謠

落日荒荒映敗堵猶自依稀認門戶衰草何漫漫流螢
草間聚我思人世真如寄生以自娛死相弃頽垣斷井
瓦礫場盡是當年歌舞地君不見暴秦昔築阿房宮咸
陽一火三月紅又不見黃圖臚載漢宮闕雕甍畫棟今
無迹滄桑變幻原反覆深谷爲陵岸爲谷世間我亦王

承福

賣兒行

母賣兒兒別母今年年苦飢賣兒藉餬口兒猶戀母不

肯行手牽母裾啼尖聲母戒兒勿悲淚已如泉傾母非
不愛子賣兒良有以兒去兩得存不然餓且死嗚呼有
兒賣去心肝摧無兒可賣尤堪哀

和戴秋憶 蔡屋漏謠

春歸欲雨不雨天落花如雨在雨先今日傾盆雨更驟
承雷不斷聲涓涓散斜老屋上下濕廣僅容膝低齊肩
有客埋頭坐兀兀耕硯田擁書獨凭竹几讀芭蕉窗外
何喧闐蕭然只環堵東鄰西鄰富厚原相懸君詩有東
鄰厚衣若懸鵠肘難蔽鎗已折足茶猶煎雨腳如麻坐
之句

不覺攤書相對無愁顏清貧一任俗人笑似狂非狂顛
非顛傾君竹葉之美醞擘君玉版之花箋費君裁雲縫

月之妙手吟君鏤冰刻雪之新篇始識讀書有至樂幽情都到花毫嶺君詩寄我讀一讀爲三歎男兒不能投筆向西域不能負耒耕東阡撐腸拄腹飢莫療守株待兔人誰憐欹墻敗屋世上知幾許安得杜陵廣廈千萬間

初夏江村晚步分韻得初字

濃陰滿庭綠草色餘平蕪好春已歸去倏忽及夏初閒步出柴門喜有良朋俱策杖遵微行清風襲衣裾桑陰一犬吠夕照明村墟古樹障茅屋直上炊煙孤遙瞻阡陌閒夢浪翻徐徐宛若雲藍紙畫作棋枰鋪一溪阻步屨淺水清而姝東坡詩唯有潁水清而姝臨流恣吟嘯相與尋歸途

到門已曛黑斜月明窗疏

偶成

松關晝掩絕囂塵靜看湘簾漾水紋龍竹聲塵三逕雨
鴨鑪煙聚半窗雲泛交朋友裁書懶得意詩篇錄稿勤
若問忘機吾已久相疑底事海鷗羣

寄秋憶

次君與我締交深倜儻風流夙所欽名姓薦還遲狗監
文章價早重雞林談天玉屑聞雄辯擲地金聲賦短吟
何日攜將小蠻去白香山句還攜小蠻去試覓老劉看謂酒檣也樽前重聽伯

牙琴

秋夜坐月懷秋憶次董壺山

恂韻

冷浸中庭月徘徊
眼界寬露寒蛩語
靜風急雁聲酸觸
緒人惆悵相思路
渺漫悲秋何限意
深夜倚迴欄

董鑄范蠡舟使人來索詩戲作用溫飛卿愚儒輸

逋租句爲韻

閉戶攢書自守愚
且教磨硯學窮儒
分陰可惜拋偏易
寸鐵休持戰已輸
裘典黑貂緣酒券
門敲白板又吟逋
秋來竟作潘邠老
有客催詩勝索租

幽居

繞屋水灣環茅茨
三兩閒秋風颯然
至落葉滿柴關入室
唯良友登樓見遠山
歸來喧宿鳥屋角夕陽殷

鬪蟋蟀十六韻

屈指西風到塵秋興又深爾方乘客氣吾未改童心好
待金籠蓄何憂玉露淋瓦盆三浴待籬落一燈尋分局
獒爭嗾登場馬載駿怒原憑寸草注欲擲千金旗鼓軍
威奮牙鬚武衛森錦蓑披鎧甲鐵股仗霜鐸蠻觸爭何
益雌雄決自今陣非同蟻列聲本勝蛙浮尙口膚功奏
回頭敵陣臨兩蟲將鬪其一卻回謂之臨陳回頭技還嗤社鼠怯更笑書
蟬宰相經曾讀將軍力可任酬勲叨粒米得意送餘音
東壁兵初罷西堂冷不禁幽微傳細語靜夜思愔愔

送亡妻靈柩安厝郎村感賦

塵昏鸞鏡掩妝樓空牘山阿土一杯白草憐卿將瘞骨
青山歎我未埋憂鹿車共挽空留恨馬鬣初封更引愁

階下斷腸花又放傷心豈獨爲悲秋

登潯東文昌閣同姚吟五師益時及鑄范壺山作

同泛輕舟水柵東危樓憑眺豁幽衷秋明露鬢煙鬟外
人在雲窗霧閣中近水風翻蘆顛白遠村霜染樹搖紅
誰攜謝朓驚人句搔首青天問可通

對酒歌呈壺山

人生不稱意閒愁千萬端俯仰天地閒胸懷不能寬樽
酒幸未空相對聊盡歡浮君大白君勿辭舉杯聽我歌
新詩新詩未終曲激烈中心悲世人熙熙逐利來東門
車馬奔如雷掉頭不肯事清雅那知歲月頻相催嗟哉
世路何崔巍我姑酌彼黃金罍肥魚大酒博一醉醉倒

聊作吳兒咍仰天大笑不可止問爾紅塵奔走何爲哉
董夫子拜五經麴蘖夙所耽一飲不計觥杯行到手莫
暫停人間萬事鵠毛輕古來達士孰與京會當荷鉏從

劉伶

夜坐

無限傷心處秋聲着意聽不知明月好愁擁一燈青

白秋海棠同壺山作

宛似三春月轉廊幾番疏雨洗紅妝冰魂脉脉秋離影
涼露娟娟夜斷腸淚瑩瑤階微有迹夢回銀燭冷無光
輕盈獨倚西風裏莫恨瓊姿總未香

寄戴銅士

銘金

次壺山韻

落葉滿庭宇相思日以深百城名士業一片故交心杜甫暮雲句鍾期流水琴鯉魚風正急好爲寄清吟

舟行晚眺

十丈蒲帆破浪紋篷窗獨坐酒微醺日趨斷港人呼渡
風緊寥天雁喚羣兩岸荒蘆翻白雪千畦香稻擁黃雲
星星蠟火停舟處小市寒更隱約聞

寒夜枕上作

深宵獨自擁桃笙竹籜聲虛夜景清觸緒平添愁萬斛
支頤坐到漏三更松窗月白知燈暗紙帳寒深覺被輕
卻笑我真同蠖屈冬烘頭腦愧平生

同人分咏歲暮故事得賣癡獸

誰把癡鈍買沿街叫喚頻流尤殘歲逼舊例小兒循滯
鈍真慚我聰明易誤人願留愚惄在常作葛天民
擬自君之出矣

自君之出矣不復畫雙蛾思君如絳蠟夜夜淚痕多
馮道

孝謹知名量更寬可憐亂世立身難卻教四姓恩榮外
太傅銜加又契丹

同人游法華山用東坡韻

高峰直接碧落界泉水出亦飛一派舊游茲山只獨往
今日攜朋胸臆快攝衣直上溯山澗咽石惟聞響泙洋洋
具區一覽四萬頃始歎耳目平時隘孤墳宿草恣憑弔

總持舊蹟半殘壞
砉然長嘯萬峰巔
狂態不畏山僧怪
蒼松一逕穿雲來
徒倚何愁赤日曬
摩挲碧蘚讀殘碑
字字藏棲作倒薤
我生苦愛佳山水
局促安能脫塵械
置身偶到清淨區
快癢渾如爪爬疥
敢將新咏紀此游
筆勢縱橫銳長鋸
沈吟更示詩酒侶
願子無忘雲水債
次壺山立夏前二日偶成韻

春事匆匆又一年
鶯愁蝶怨感無邊
綠陰芳草消魂地
細柳斜風覓句天
浮白杯深宜我醉
洗紅曲好爲花憐
閑干十二都凭遍
敲得新詩興欲顛

閏四月八日次吟五師雨夜韻

風風雨雨黯吟魂
天擁濃雲日又昏
聊借敲詩消此夜

卻教浴佛憶前番
沽春屐印橋邊路
煮蘭香催野外村
只有老漁應更喜
三篙漲沒釣磯痕

寄袁子瑜

修瑾

惠州四首

嶺雲江樹總淒然
相隔迢迢已六年
只有多情屋梁月
照人七十八回圓

銷夏年年啖荔枝
炎天冰雪合編詩
江鄉風味君思否

三月繡鱸四月鮆

查夏重有炎天冰
雪集取諸啖荔也

又看冬殘春復還
遙知鄉思滿江關
羅浮放徧梅千樹
可似銅坑鄧尉山

別恨都教付短吟
平安兩字慰離心
女須定亦思家甚
況復經年梗違音

雨後偶成

昨日日沒胭脂紅今日不雨亦有風由來謠語是詩料
占騷傳自田閒翁黃梅天氣苦鬱塞小窗兀坐心疏慵
覓句更苦詩思澁澁花毫已秃百鍊鋒忽然一雨倒盆盎
簷瀑不斷飛淙淙農人插秧正盼雨餘潤波及青苔濃
階前眾綠色尤淨清味一洗芥蒂胸故將好景佐吟抱
造物惠我亦已豐世有詩人天所喜愚能使智拙使工
哦成佳句每自詫詎知天意非人功淋漓興會莫孤負
不然過眼終成空拂牋灑墨恣揮灑開襟更爲傾郭筒

夏日漫興

牖啟炎天莫向東生憎朝旭射窗紅安仁賦筆閒居裏

元亮詩懷飲酒中畏熱人情牛喘月耽吟樂意馬嘶風
乖龍底事惺雷雨溽暑難教一洗空

鑄范見和雨後偶成詩賦此索和

雨餘聊復賦新詞妙詠煩君寫色絲萬線閒庭摩詰畫
三紅好句子和詩奚奴奔走心都怨後世傳鈔想太癡
我已枯腸搜索盡塗鴉滿紙莫相嗤

夏夜

最愛中庭坐涼生暑氣收蟾光宵似晝蛩語夏先秋露
重夜逾靜風輕雲自流不知何處笛到耳韻偏幽

哭戴駿伯芬二首

三春曾憶共班荆遠訃初聞四座驚方幸蘭交尋樂事

那知蒿里起悲聲人來傳說還疑誤夢裏相逢尙似生
寄我花牋詩句好感懷忍檢篋中盛

深交十載兩心知使我開緘淚似絲張邵本來能擇友
鄧攸底事竟惺兒輪迴一度遺蟬蛻名姓千秋想豹皮
百日時光彈指頃別君詩又哭君詩

題美人曉妝圖

朝日曈曨度磚影芙蓉帳裏春眠醒攬衣推枕起晨妝
柳腰無力花容靚奩開明鏡啟盤龍釵鉗縱橫寶髻鬆
捲袖摻摻紅玉軟壓梳冉冉綠雲濃侍兒春暖羅衣薄
金盆捧水臨妝閣鳳皇衫底玉瓊璁翡翠裙邊珠珞索
青春豈識容輝減淺暉紅潮上蓮臉寶鼎初熏蘭麝飄

朱脣乍濕胭脂染教儂此事替生愁枕上春痕一線留
蟬鬢蛾眉顏似玉水晶簾底有人不

鑄范以詩見貽疊韻酬之

匡居嘯傲殊足欣世上軒冕如浮雲可同三絕得名鄭
不作四字書空般蘿襟蕙帶樂閒散胸懷瀟灑早出塵
興酣落筆搖五岳成篇不假研鍊勤未消纖塊已形穢
廬前王後何敢云君詩音響清且越珊瑚敵碎頗黎盆
挑燈按節讀新句擊甞叩缶聲傳秦驥躍驚矯如駿馬
縱橫不受六轡均我非周郎慚願曲咲晤兀坐打頭屋
菖蒲縱已具九節下拜還須向修竹相師相友亦有年
企君苦少追風足左圖右史供披覽渾忘盛夏天鬱燠

擗胸文字五千卷詩癖書淫笑貪贊目耕何日始有秋
旁人難免多譏謔酸鹹薄俗好總殊惟我與君同嗜欲
煙霞澹泊每相期深交真覺如楊穆與君酉陽搜逸典
貫穿四庫窮七錄青雲那復羨公卿莊叟曾云學爲福

再疊前韻索鑄范和兼示壺山

人生涉世何可欣白衣蒼狗天上雲論交幸與少平遇
襟期坦率意更殷一室相對有至樂隙中不計野馬塵
搜天幹地覓佳句蕙心蘭思何辛勤有時波濤驅史筆
人云豈肯我亦云有時偶中徐邈聖自傾田家老瓦盆
有時讀書稽往古收拾殘燼求先秦有時獨憑烏皮几
援琴再鼓通三均新吟更復歌一曲機雲分住東西屋

壠荒倡和時有詩腹稿胸中貯成竹我欲從君附驥尾
可許三人列鼎足每逢示我錦繡篇但覺披拂和風燠
彩牋時更乞新詠無厭眞如貨頻贊君才勝我須十倍
欽君敢以後言謳飲醕竊喜得知已世上小兒非所欲
何當結鄰日過從使我移情入淵穆洛陽紙貴可知不
好把君詩細鈔錄一編在手時吟哦有才如此終爲福

以素箋乞鑄范畫山水

董君畫品雪裏蕉一揮紙上驅波濤經營意匠何慘澹
下筆健捷如飛鶻紛紛求乞殊可厭雖有絕藝深藏韜
一請諒亦不我拒與君自是忘形交筠裁紙翦聚頭扇
蒲葵紈綺非其曹丹青恰稱圖繪手點染爲我抽霜毫

十日五日作水石波光森森山高高千岩萬壑屢迴轉
蜿蜒起伏騰青蛟苔蘚疏疏點可數松杉落落葉未凋
煙嵐新妝媚秋日數椽野屋臨山坳芸窗荔壁塵不到
參差上有三重茅鳴泉屋後飛瀑布想見清列勝虎跑
鏘珠濺玉赴谷口平溪渺瀾橫長橋行吟有客方策杖
幾行疏柳垂絲縷鷗羣鷺侶疑可狎沿谿小艇撐漁篙
對此好景自幽絕高隱何必新篇招我詩頗似摩詰畫
可能此境圖中描畫成他日持我手遠勝數幅懸生絹
動搖涼意滿襟抱盛夏酷暑俄頃消理絃更鼓琴一曲
峩眉欲響風騷騷以詩易畫倘見許厚貺奚啻千金叨

中庭露坐涼甚

靜掩重門欲二更移床孤坐起吟聲夜涼暗覺秋將到
雲動翻如月倒行白鳥喙長三尺利青螢光閃一燈明
須知團扇捐還未莫向西風訴別情

鑄范和予乞畫詩云畫以詩索報以酒青州從事

吾應叨疊前韻答之

傾樽不用魚枕蕉酒船拍拍凌驚濤醉後落筆不經意
於菟飲羽雕中龍元氣淋漓力雄健新硎一試刃未韜
君畫本與詩爭勝惜哉紅友非深交吟成可與蘇陸匹
繪出直是倪黃曹披圖覓句聊悅性臨窗時復飛翫毫
詩篇畫本兩奇絕令我仰望嵩衡高精采紙上何炯炯
快劍斫斷長橋蛟流傳後世定不朽也如松柏終後凋

縱橫意氣恣灑墨石硯磨久成深凹詞壇君更樹一幟
分封豈僅同邢茅倒醡雖復苦量窄小廉得食如雞跑
俊才於世卻寡和詩人不數丁卯橋平生耽飲我自笑
微醺輒解腰閒絳長鯨掉尾百川吸酒池頓減波三篙
擘牋頗亦喜吟咏逸興坐待初筵招不矜獮祭詞藻富
畫手空學龍眠描行當就君更乞畫煙輕霧薄裁吳綃
佐以青州六從事坐令纖屑俗慮消寫生如見北苑筆
清吟宛誦南國騷論詩讀畫快簪盍醑醪滋味應重叨

七夕詞

銀潢影沒明蟾魄烏鵲成橋斂輕翮花瓜穀板啟芳筵
相傳織女渡河夕五銖輕曳仙府衣七襄停織璇宮機

玉露宵溥濕仙袂羅雲秋薄飄靈旛風前切切聞私語
別後相思積如許便教永夜話團樂可柰經年悵修阻
天公那得聘錢鏹兩情脉脉空延伫巧思爭似世間多
愁絕癡牛與駢女世間乞巧卻情牽紅袖深宵人未眠
爭向天孫求智慧死針蜘蛛盒排筵前那知相望明河際
終古雙星自凝睇一卷荒唐志怪書遂教千載援成例
我亦披襟坐晚風不將犧鼻挂庭中郝家書籍腹難曬
郭氏耕車望久空惟有客言差可用夜涼合盤酒千鍾

詠古樂府五首

芒碭雲

芒碭山漢高里所居常有雲氣隨丈夫豈不當如是泗

上亭長作天子韓彭誅戮由呂雉戚夫人亦作人彘芒
碭山頭野雞飛芒碭山上雲氣微漢家火德何危哉幸
有周勃左袒來

女博士

女博士習文史此身不爲袁家死五官中郎作天子當
塗高鄴城屠今年破賊正爲奴可憐女博士空負才華
多柏舟之死矢靡他白圭有玷終不磨驚鴻游龍奈若
何

解議圖

青絲障解議圖清談竟日玉麈揮小郎辭屈將何爲咏
絮才粲花舌一逞機鋒難諸客嗟哉王郎不意天壤有

逸少之子亦非耦恨不參軍配新婦

嬪子軍

嬪子軍唐皇開國垂奇勳南山亡命數百人京師一定萬國賓長平公主七萬兵屹如山岳撼不能衰公鄂公何足稱軍以嬪子名勇略孰與京君不見黃天蕩夫人城

女主昌

女主昌以武代李周易唐唐皇枉殺李君羨王者不死武媚嬪武媚嬪歌聲起後宮才人終禍水倘使將身作男子古來莽操不足擬嗚呼晉陽當日構詭謀毗沙門爲張尹留後世父子多聚塵女主昌將誰尤

家山破

家山破新詞一曲更誰和北兵深入無摧挫家山欲破
真無奈儒生只解工詞章安能南面爲君王江南李花
零落隨風颺重瞳子樂游冶念家山破何爲者江頭已
唱檀來也

將至雙楊寄鈕山琴

歸

涼秋動離懷空齋對風雨故人近何如盈盈一水阻憑
欄望天末相思獨延伫便欲駕輕舟嘔啞聽柔艣爲問
入秋來新詩積幾許

月夜

如此中宵月幽庭景最宜池清魚易數露冷鶴先知靜

覺花香發閒看樹影移秋聲不堪聽可柰夜闌時

八月十五夜對月招鑄范

飛光欲暗牛斗星纖雲四捲開蒼冥一年一十二回月
輪滿只有今夕萬里同陰晴舉杯欲飲思好友起視簾
箔凝寒晶當頭暉明鏡團團海上生天公淨洗兩眸子
澄波萬斛倒挽銀河清然犀水底一照海若驚揚鬢掉
尾拍水魚龍腥瀟湘帝子何娉婷霓裳玉佩聲冬丁蓬
萊彷彿如可卽鸞鶴戾止雲輶停仙之人兮倏何處但
見靄靄香霧浮空庭董君久不見感此睽隔情何不過
我飲美酒百川吸盡奔長鯨瓊樓雙扉敞昂首長空青
吳剛斫處桂樹流芳馨紫雲一曲欲向玉署珠宮聽酌

君屬鶼鶩杓鸚鵡鑷此中激灑映徹金波泓舉手招結璘
大笑飛一觥瀛華下參影橫階前蟋蟀鳴秋聲廣寒月

姊爲君立深更明蟾欲落不肯落待君抽毫進牘三峽

詞源傾

薄暮小立門外有作

颯颯西風冷袷衣平疇近水稻初肥波生圓沫知魚聚
人立斜陽待鴨歸欲暝鄰家燈已上未霜老樹葉先稀
昏黃月照空庭滿蟋蟀聲中自掩扉

秋日示鑄范

靜覺日猶永香煙燼怒猊雨多秋水闊雲重暮天低煮
茗生魚眼搓橙擘蟹臍談心有良友何必宋窗雞

暮秋

滿眼秋光已欲殘
霜天薄暮釀輕寒
煙空遠岫齊挑髻
潦減寒江盡露灘
近市人家謀酒易
遺閒詩句覓題難
宵來砧杵繁聲起
把璫高歌且自寬

秋將盡矣菊花始放

霜意昨宵冷時光
九月過東籬好秋色
問訊近如何
晚節原宜傲幽香
不在多攜尊日相對
何羨采芝歌

贈張春水

澹

二首

孝友高風物外情
清時猶不羨公卿
君舉孝廉方圖中正科不就
寫夢萱無影
有北堂影圖林下聯吟絮有聲
陸夫人璞卿惠亦能詩
石僧繇新畫稿
篇章子野舊才名
十年前已神交
久今

日纔欣掃逕迎

提攜詩卷與琴囊來訪潯東舊草堂
新雨叩門雙屐響
清風入座一襟涼周旋容我情疏懶談辯輸君氣激昂
但得相逢休恨晚何當卜築傍鄰牆

玉鑑堂詩集卷二

烏程汪曰楨著

同邑後學劉承幹編次

海寧舟中作

錯疑梅萼放溪頭
鳥桕荒村點綴幽
霜意紅催千樹晚
波痕碧浸一帆秋
旅程排悶聊浮蟻
畸士忘機許浴鷗
日暮鹽官城外泊
涼飄初起夕陽收

舟中讀鑄范潯溪櫂歌百首爲題長句

清風橋口溪水清
詩人風雨屋數楹
鴻篇雅什足千古
壓倒元白詞壇名
忽然降格吟風土
遺跡詳考太尉城
一時俗尚固可紀
古來文獻非無徵
繼響圭塘欸乃集
故將綵筆揚新聲
打頭居室比舟小時聞空外柔艣鳴

卻欣清景助吟思百篇頃刻揮毫成漁謳棹唱詎鉅製
亦見才大如滄瀛縱付蓮娃與菱女直和鳳管兼鸞笙
豈似嘔啞更啁哳山歌村笛難爲聽殺青寫定出示我
扁舟適有鹽官行篷窗吟諷不忍釋夜深獨擁三尺檠
秋聲四面似相答萬籟蕭瑟蘆花汀鼓枻一唱塵慮滌
滌浪之水濯我纓

安瀾園四十韻

綠野千秋著丹毫兩字標蓬瀛連浩渺風月恣鏤雕
疊石岡迴複栽花土沃饒古藤臨水榭修竹上山椒蛇
蚓彎環逕虹霓宛轉橋塢深丹桂發岩迥絳桃天瀾湧
清於染嵐堆黛欲描青杉橫小牖碧荇碍輕橈櫻顆珊

珊瑚樹楊絲翡翠翹漁磯坐煙雨曲水泛樽瓢十二飛樓
敝三千眼界遙相君當日住

舊爲海寧相國陳文簡公元龍別業

塵城此

中超梓里金貂擁

園舊有相風旗今已無存

杯傾月可邀新盟結

吹簫旌建風曾相

舊有相風旗今已無存

杯傾月可邀新盟結

汀鷺芳宴薦江珧舞態回紅袖歌聲記綠腰玉梭鶯語滑

金勒馬蹄騎琴韻鳴珠柱茶芽煮石銚蘭焚煙細裊棠

睡燭高燒好著歸田錄如聞擊壤謠樓臺餘百尺雨露

荷三霄雲暖丹楹護風和翠蓋飄時巡六飛騁行

在萬靈朝寵命題宸藻清音譜大韶鳳毛綿世德鸞

輅扈清鑣

文簡公子愚亭先生官侍讀

歸志初心遂豪情往事消人

增華屋感我爲婿鄉招賢主誇三薛

石民國採用齋鴻遠少山宗灝昆季

才名擬二龍園同游獨樂意可慰無聊來趁探幽屐剛
看指亥杓關心重駐足回首憶垂髫

丁丑秋曾游此淺沼晨垂

釣孤燈晚聽潮詩情煙外樹畫本雪中蕉苔蘚尋陳迹
亭池訂久要蠻輶遍堂宇鵠蟀換昏朝遠嶂曜梅綻空
庭悴葉凋菊黃無戲蝶林黑有鳴鷗觸目頻興喟吟腸
祇愧榜猶疑釣樂奏松籟起回颯

夜宿安瀾園

深宵留宿景何清相國園亭舊有名小院夜涼延月色
幽窗夢醒警潮聲室生虛白孤燈暗葉墜危紅萬樹鳴
我更游行思秉燭松濤竹籟總怡情

偶興

偶因就日向南榮
蓬戶苔封遠俗情
迎暖江梅動春色
塵風庭樹走濤聲
書鄰茶鼎溫常借
硯傍香篝凍不成
清況自令吟思愜
工詩何在不平鳴

舟行

放艇沿溪去
斜陽沒半篙
煙橫千嶂失
水落兩厓高
棹邀初月尋村買
濁醪晚鐘來
遠寺百八吼
蒲牢

買舟將至海昌

一葉扁舟泊水隈
片帆將到海濱來
歸家待我攜樽賞
寄語庭梅莫早開

寓意

窮儒誦詩書
感恩因一飯
自守簞瓢樂
未覩金玉燦如

觀孟中水豈識海浩瀚富家擁厚貲踵決笑原憲一粒
我已重千金彼未見炊蠟代荆薪抵雀用珠彈爨琴何
足悲煮鶴良可歎有時鄙吝生亦復錙銖算珪築眾蟻
勞牢破羣羊散縱知暴殄非習慣那能變盛衰亦須臾
何用彼生羨我安我脫粟晚食勝珍饌一介取予嚴雖
貧奚足患

夜坐

朔風生峭寒擁裘夜深坐回首故園春梅花應念我

歸家

月將殘歲欲暮帆影依依指歸路在家心常慰離家意
難開夢回喜聽鄉語熟扁舟侵曉歸家來歸來一笑問

無恙寒香如雪離邊梅

得友人書

過從還憶仲冬初良友天涯又索居竹帛千秋文苑傳
江湖一紙故人書深交已久心偏淡遠信能通迹未疏
庭外寒梅開正好抱琴何日訪吾廬

題董茗菴先生

襄遺集

我有詩癖成膏肓頗恨蘇陸今已亡先生遺詩數十卷
直追二子相頡頏詞氣清空笑瀨祭筆意變化參龍翔
一編祇自寫肝肺千秋何足論短長此身雖朽名不朽
詎止聲價雞林昂我初識君尙髫齡君將五十鬢未蒼
姿儀三春柳濯濯襟期千頃波汪汪彭家不取掉書袋

李生自負盛詩囊酒酣拔劍中夜舞高談雄辯鬚眉張
兒時不解是何語但覺齒吻含風霜家貧饔益少儲粟
先生覓句方彷徨氣含蔬筍語更妙微哦淒咽啼寒蟹
始知陋巷樂疏水遠勝列鼎烹豬羊我年十三解吟咏
殯宮君已宿草荒狂搜險覓不知止亦有好句胸中藏
言情卽景難彷彿先生腕底先揄揚開編恍若獲故我
恨未親炙從門墻天若假年君尙在一燈相與論詞章
上窮風騷下唐宋明燭今古分毫芒未必謂我作疎瞽
騷壇獨自行悵悵

安瀾園觀梅花

平泉獨樂今誰匹千樹江梅態幽絕落英溪口舞春風

破蕊橋邊擁香雪趨炎雖近富貴家耐冷未改冰霜節
芳園名勝想千載相國繁華空一瞥看花縱已到子孫
玉砌朱欄早散缺蒼涼池館不勝愁零落枝柯那可說
疏榦幾同蘭蕙蕪寒花只共蓬蒿活寓公舊下董生帷
謂茗菴
先生幽栖如入林逋室新吟脫稿髭已斷破褐臨風
膚欲裂神清骨冷與同調對影成三更宵月一自先生
悲宿草姑射仙人亦悽咽十年未覩詠花人空谷幽姿
分埋沒俗客何曾解愛憐游人歷亂爭攀折我來看花
花欲殘斗柄建寅十八日幾枝點綴荒園裏感慨滄桑
入詩筆索笑徘徊暮復朝旁人未免嘲寒乞花應許我
託知音小劫莫悲風雨疾

正月二十二日陳石民用齋昆季招飲遂同至海

上觀潮

春帆十幅來海隅聽潮日日高樓居蕭條風景疑秋徂
落梅如雪中庭鋪晨興窗下坐正孤君家置酒相招呼
雜陳海錯羅盤孟開圓翦韭擷春蔬甕頭良醞如醍醐
一飲爲君傾百觚酒闌坐起日已晡忽思觀海同嬉娛
相將攜手出郊郢路近何必呼肩輿衣襟散亂行次且
醉倒欲倩旁人扶濤聲已聽驚雷如奔走迅速時恐逾
路人爭向捷徑趨心急轉覺途多迂爾曹竭蹶何其愚
豈知我意與彼殊觀潮不及計匪疏望洋亦足舒鬱紓
相於緩步姑徐徐海若有知還待予濤頭一綫萬馬驅

鯨魚逐浪如奔狐遠山煙靄疑有無
鬪帆蜃市凌空虛驚波
鬱浪過須臾塵懷一滌清襟裾壯觀創見喜僕夫
此行跋涉眞良圖游人興盡循歸途一痕斜日留桑榆
會待高秋八月初與君擊櫂兼提壺點波明月不夜珠
夜潮雪捲雲模糊知君意氣尤豪粗醉吟走筆工描摹

放歌

頽波誰復挽江河拔劍中背一放歌涉世可憐同調少
傳名常妬古人多深交只爲錢刀耳定論將如竹帛何
已覺閒愁消未得天公偏使病相磨

題陳文簡公元龍愛日堂集

出處一生著詩篇卅卷收文章唐手筆襟帶晉風流薄

謠名逾重 殊恩禮獨優芳園足娛老吟興更清邁

題秋憶蒲塘昔夢圖

記得當年住蒲塘一水旁鶯花春進酒風雨夜聊牀燕
壘遷移慣鴻泥感慨長但教留此幘任爾有滄桑
已恨摧慈竹傷情只涕欷龍頭又淪沒雁序各分飛笑
語成前夢蒼涼感夕暉豈惟人事改風景亦全非

折臂行爲姚璣濱

前機賦

昂藏七尺未衰老一鞭汗漫長安道當前夷險識未明
顛躡摧傷信難保蒼穹高高不可問文士由來例潦倒
今年君始來菰城酒酣爲我談平生曾經墮馬折右臂
十年舊夢魂猶驚筋傷骨碎旋平復幸遇良醫三折肱

至今每逢陰雨夜往往臂痛常達明一肢幾廢由顛仆未識天心竟何故旣不能握寸管萬言射策金門去又不能請長纓橫刀殺賊樓蘭路嗚呼此臂亦何用不過揮毫擅詞賦文章不值一杯水小技如何天尚妒君不見昔年瀚海冰山間將軍奏凱西征還三公折臂幾先兆領取封侯入玉關儒生只合棄置耳伏櫪壯心終不已勸君閉戶勤著述千秋業富名山裏左丘國語龍門史從古文人有如此莫把新豐老翁比

同珊瑚濱銅士至天寧寺觀唐人書石幢過天聖寺

小憩

言尋梵王宮拄杖扣禪戶佛殿半傾頽林立經幢古苦

無人護惜摧殘委泥土淋漓屋漏痕缺畫何由補乃知
天地閒美惡同朽腐不見墓前碑終爲柱下礎

無塵訪古殿攜手復同行問路得蘭若到耳鐘磬聲浴
龍記舊事小沼猶澄清畫竹泯遺迹古壁多敲傾池魚
自驗咽林鳥無喧鳴不敢談世務恐使魚鳥驚

與許心如

光清

論詩作此贈之

古人論士先器識文藝末技非淵源知君孝友久稱著
十年閉戶耕硯田卽觀詞賦已妙絕鴻章雅什飛聯翩
才華升斗天所賦如何多寡君獨偏世人亦解學吟咏
往往自詡錦繡篇不知元箸在象外塗繪雜取青紅填
豈無佳句足諷誦只就容貌誇麗娟菽麥能飽豈香稻

潢汙可飲非巨川賞譽未必定美好平生恥與爭先鞭
海濱小住二十日忽遇許子心歡然不須傾蓋已如故
萍蹤邂逅寧非天情懷令我解鬱塞論詩相對青燈前
君如駿馬謝羈勒枕中秘帙惟青蓮詞源浩翰倒三峽
吟情豪邁驚四筵我詩頗喜出新意辦香虔祝東坡仙
不將唐宋分軒輊與君嗜好知誰賢有如登山逕各異
終須同造高峰巔期君他日向廊廟德行尙在政事先
何況雕蟲小技耳志士豈屑文章傳鬚蘇傑句且移贈
一鳴一止三千年

舟中對月用放翁韻

長天秋水無纖雲江空月出留征人不須回首念離別

倚棹江心臥明月三更清露侵衣冷兩岸蛙聲喚人醒
忽驚低首見長空水底蒼茫涵倒影千頃平波一葦船
恍疑羽化同飛仙江清月曉不知艤聲更入蒼煙去

對月寄秋憶

冰蟾皎潔秋夜深長空不受纖塵侵邀將古月彈古琴
成連海上契我心良友天涯別離久伫月停琴一回首
情話何時共樽酒今宵對月相思否

鷗波亭懷古

鷗波亭邊鷗夢醒鷗波亭外波光冷斯是當年學士莊
書名畫品誰堪竝四面蓮花一水湄晶宮清景好棲遲
閨中更喜偕蘇蕙膝上尤欣抱坦之畫竹新圖引鳳雛

簪花妙格重家雞隱居樂事隨疏縱可憐社稷非炎宋
黍離麥秀起悲歌玉葉金枝成昔夢幾樹冬青望六陵
深情可似西臺慟人世滄桑閱幾時我來弔古夕陽西
閒鷗浩蕩波澄淡終古荒亭峙雪溪不見王孫空想像
亭前芳草自萋萋

岳忠武王名印拓本

神龍天矯凌蒼霄嘉名鐫就若華文芝泥沁紙耿耿寸
心赤何啻盡忠報國四字刺背紋班師詔下金牌走痛
飲黃龍願終負三字獄莫須有二勝環置腦後九鼎遷
移八寶亡何論繫肘黃金大如斗幸哉此印淪深淵韜
藏免被風波掀魚龍驚避不敢齧白虹夜夜輝星躍江

頭漁父忽網得圭棱無缺形模全忠魂寶氣共凝聚熱

血不肯埋沈冤畫淮當日安半壁殘山賸水不若此印

千秋完我昨王祠曾肅謁官印摩挲壁閒碣

西湖岳王祠壁閒有

三使官印摹本石刻歸來又復見拓本勝讀衛公記故物中宵展

軸棐几鋪一燈黯淡幽窗虛秋聲蕭槭在庭樹猶疑背

峩五百夜靜銜枚驅

秋暮感懷二首

不信西風解引愁蕭蕭聲滿荻蘆洲半窗冷雨驚殘夢
一度新寒釀暮秋舛誤竟同書馬尾功名敢笑爛羊頭
水雲鄉裏容吾住還幸尋盟有鷺鷗

酒酣耳熱起悲歌漫把窗前鎌硯磨秋色儘留籬菊在

詩人自昔布衣多半庭落葉和愁積四壁蛩吟奈冷何
獨坐深宵然絳蠟臨風也自淚滂沱

次壺山遺興韻

西風吹冷洞庭波無復三春氣候和著雨黃花如客瘦
經霜紅樹得秋多酒中滋味知誰識閒裏光陰覺易過
不信賞音塵世少遇雲且自發高歌

疊前韻索壺山和

短晷匆匆等逝波可能返旆望羲和詩篇語妙知音少
天地情鍾我輩多簪紱無心猿鶴喜敦槃有約鷺鷗過
壯懷銷盡風懷在更唱吳儂子夜歌

再疊前韻索鑄范和

洶涌詩濤大海波鴻篇聲價擬隋和論交與我周旋久
閱世知君感慨多俗客只宜局戶避良朋還望抱琴過
傳來百首新吟好夜靜燈前擊節歌

時以詩集屬子點勘

鑄范既見和三疊前韻示之

高吟只合住煙波聊比空山好養和漫道流傳千古易
可憐著述半生多文章自恥凌雲獻節序頻驚掣電過
覓醉且教傾美酒花枝能舞鳥能歌

倒用前韻柬鑄范

舊牖繩樞足嘯歌柴門晝掩少人過風吹一夜新寒劇
詩咏三秋好句多漫誦篇章凌鮑謝卻愁技巧等垂和
吟成苦被奚童促字畫匆匆缺磔波

大水謠

平原日落風蕭颯畎畝滾滾生洪濤秋來一雨三十日
桔槔補救嗟徒勞農夫蹙頰爲予說田禾盡被波頭漂
更愁入市捲閭井欲追上古居櫓巢聖世雖無科斂擾
屢祲豈復餘脂膏九天闔闢不可叩惄惄赤子空啼號
吾聞日月天兩眼司徒司空政柄操文申張表久失職
股肱已折雙眸膠但見天闕虎豹守不知地窟龍鼉騎
長鯨老蛟恣凋瘵魚頭戢戢誰能逃且復摩挲匣中劍
蒼龍含景正在腰更將悍石礪鋒鏃會須斫盡鯨與蛟
穹蒼有意念黎庶廊廟早見登夔臯瘡痍徐復水歸壑
五風十雨玉燭調我語農夫爾勿哭明年秋穫應豐饒

餘糧棲畝穗布野會見兩政麥秀興歌謠

報災謠

報災人吞聲哭田無禾穗無粟無錢難報災有災亦大
熟報災人可奈何縣符旁午忙催科報災不許徒奔波
報災人吞聲哭跳梁黠鼠行負嵎猛虎伏被災民走險
鹿

次壺山薄暮口占韻

門外水雲重斜陽曳短筇霜欺辭樹葉風送隔林鐘排
字書天鴈驚寒繞砌蛩悔將裘換酒時已近初冬

郎村山行

青山睡未起曉霧輕幂幂歎忽氛靄消晨暾吐岩缺我

來探幽景腳著登山屐寒泉凍不澌瘦日淡無色修篁
夾道青落葉滿畦赤日照霜華融沾衣疑雨滴鼓勇士
崇岡胸襟暢幽鬱但見山四圍不覺天一笠吳興山固
多何者聲名藉道場與法華金碧事塗飾安能及此山
深邃少人迹信知顯榮人終遜高隱客奚童苦催歸回
首彌戀惜卻顧白雲閒蒼然數峰碧

鑄范見貽杭大宗雜著數種用東坡歐陽晦夫遺
接羅琴枕詩韻謝之

著書閉戶今幾年誤身不信由儒冠唯君與我有同癖
購置不惜揮縉緥丈夫坐擁一萬卷何羨夢裏遊槐安
殘編斷簡肯示我知我有意迴狂瀾董浦先生本文傑

豪雄遠勝東野寒偶將餘緒事編剗案頭猶足供尋看
紛紜錯雜搜典故如流酒海積肉巒流傳一落書賈手
價重不啻金與紙忽蒙慷慨相惠贈臨窗披閱隨研丹
有如邂逅遇良友頓覺相對離愁寬旁人覩此應大笑
謂彼毋乃儒生酸

觀農人穫稻

吾聞古人訓力田乃有秋如何竭辛苦田禾仍歉收今
年秋雨多低田盡漂沒高田幸復存水深亦盈尺農夫
腰鎌來赤足入水中欲求一日飽遑敢恤我躬水寒冰
似刀鋸利傷足指足傷不自知但見血浮水可憐數畝
田得米能幾何縱使歲豐稔飯甕何曾歌況復苦飢饉

俯仰誠難足凋瘵終未去瘡痍豈能復歇獻向蒼昊欲
叩天闔開有司急征稅惄獨不暇哀

野鷺

日落餘霞紅破天飛野鷺勢若波濤驚更挾風雨速駭
愕出門看羽聲喧肅肅密如排陣雁高比摩天鵠倏忽
數羣過幾點猶在目我聞野老言此鳥善食穀栖畝有
餘糧往往飽其腹年年應候至所幸歲成熟今年苦淫
雨千畦生漲潦過時未收穫香稻多被啄似惜田父勞
食盡免刈剗一霎黃雲空婦子吞聲哭談虎令色變聞
此亦眉蹙狼貪更羊狠何減虞吏酷殊難儕鷗鷺無乃
類鷂鷂鯤鵬空自搏鷹鶻未云逐乞餘鴉雀飽畏事鳶

賜伏所由無畏憚遂敢肆荼毒吾欲擒兇渠更教殲醜
族不能寢爾皮會須食爾肉矰繳招弋人風高鳴勁鏃
次韻鑄范仲冬書感

蕭條況味問誰禁愁比階前落葉深風緊衣裘全失暖
天寒松柏豈無陰隆冬節序逢殘歲文士生涯託短吟
苦望良朋款門至夢中咫尺恐難尋

冬日書感

黎耶有鬼漫爭奇覆雨翻雲例若斯歲歉卻憂能健飯
學荒方悔誤吟詩崎嶇世路千盤嶺變幻人情一局棋
濁酒如聞增價值偏因釋悶想傾卮

屢約鑄范見過輒爲風雨所阻時予將之嘉興亦

以風雨故不能解維鑄范有詩相示次韻答之
比鄰處士家過從興偏賒兩地愁風雨殘冬感歲華道
途多阻滯咫尺亦天涯悵望成新咏紛飛六出花

銅士用東坡汪覃秀才久留山中詩韻見贈次韻
答之

分明織就九張機如此才華信我師高隱有人甘自晦
浮名入世苦難辭謝公已負登山約陶令初吟止酒詩
還恐匆匆離別易預教悽絕夜闌時

疊前韻留別銅士

入洛年華遜陸機與君交誼友兼師花飛小院春無賴
柳折離亭酒不辭相聚可憐纔浹日獨吟從此懶敲詩

天涯解道比鄰近灑淚何煩判櫻時

次韻戴琴莊福謙見贈卽以留別

款門有客訪茅軒淪茗論詩笑語喧水檻山光凝遠黛
晴欄花氣動微暄新吟醉灑三升墨舊隱歸尋數畝園
今日離懷倍悽惻何如巴峽聽哀猿

舊館村小泊

沿隄波影漲新痕沽酒停橈醉一樽茅屋臨溪橋壓水
人家都在綠楊村

郵程此地偶經過日暖風輕氣候和春色繁華在何處
桑麻彌望比花多

題沈東江先生手書長卷

先生名謙字去矜仁和人勝國遺老工詩善畫自號
東江漁者所著有東江集與毛馳黃張祖望陸驥武
輩齊名稱西泠十子此卷爲仁和金氏所藏卷末先
生自題云庚寅四月二十三日四鼓過寒山曉月映
塔流屍觸船披衣起視悲愴欲絕天明因錄本年五
言律四十四首聊以當哭云云蓋是時 王師初下
江南殘明餘孽猶未盡平也壬辰春三月吾友戴秋
憶寄示讀之覺采薇之歌黍離之感情詞哀怨悱惻
動人爰作二詩題其後云

扁舟一葉感浮生景運初開尙戰爭作賦蘭成才絕世
登臺臯羽史無名金牛勝地纏兵氣玉樹南朝贖哭聲

避亂遺民還幸甚翁洲此日正長征

塔影沈流月鑒林青燐白骨偏江渟平添故國千行淚
併入寒山一夜心筆札從容徵定力滄桑感喟付悲吟
新詩冊首書長卷遺墨留傳勝谷音

長歌贈許心如

雙門突兀束潮勢鼉吼鯨吞潮轉肆去年此地初識君
磊落襟期負豪氣與君傾蓋數言耳渺渺歸帆動離思
此後相從凡幾度離合無端難悉識人生離合何足論
努力千秋砌名義名山事業耿懷抱世上何人同此志
萍蹤五月鹽官城榴花照眼菖蒲青相看握手了無事
仰天大笑冠絕纓主人有酒能醉客客懷盡向深杯傾

浮雲世態不稱意胸中五岳誰能平酒酣令我一回首
如君交誼孰與京空齋寂寞對一燈我將歌矣君其聽
歌聲未終酒欲醒夜半湖聲驚客夢簾前風雨暗長檠

寄袁子瑜惠州用東坡與正輔表兄游白水山詩韻

子瑜表兄予舅氏子又爲子姊婿而程正輔爲東坡
妹婿其戚誼略相似子瑜從宦惠州今九年矣白水
山在羅浮之西適近惠州境內有湯泉瀑布之勝子
瑜遊迹所及不知嘗登此山否惜予遠在八千里外
不克躡屩同游以繼蘇程之軌爾暇日偶誦東坡此
詩有感於懷爰次其韻作詩寄之云

袁安才思真天縱家鄉慣唱江南弄登臨山水有同癖
筇屐尋幽愛岩洞自從汙漫越嶺嶠九載何曾理歸鞍
他鄉但覺風景殊離袂不識緇塵重只我鄉居伏畎畝
局促醯雞在餅甕蠻風蟹雨道路遐惻惻離懷爲君動
想見探奇厯崇岫峭壁題詩誰與共欲尋白水繼前賢
好向羅浮續殘夢關山迢遞不可越新吟願託長風送
萬樹梅花香欲絕百尺湯泉寒不凍清詩寫出山中景
瀑布喧逐爭洶湧好憑魂夢去尋君莫遣風鑾鳴鐵鳳

苦旱二首

去年苦恒雨低田憂水潦今年苦恒陽高田愁雨少莫
怪田間人紛紛白頭早況復忙桔槔聊藉潤枯燥縱使

沛霖雨良苗半已槁我居斗室中湫隘比舟小願得驟
雨來清涼洗熱惱炎暑柰焚如不暇問田稻爲我語農
人分應作餓殍瓮中如有粟今日且一飽

風聲起林薄誤喜聞淋浪開門仰天視星斗生光芒或
言病瘠人天意加憐傷或言怨咨多儆戒垂穹蒼愚儒
守章句妄語推襪祥桑林有自責淇水曾懷襄聖代
勞撫卹斯世遇堯湯甘霖倘時至秋穫或可望但教勤
禱雩何必焚巫庭但教緩征稅何必烹宏羊

秋夜感懷

長空耿耿界銀河俯仰興懷感慨多夜靜秋聲愁蟋蟀
月明寒影瘦藤蘿遊仙我欲騎黃鵠養士誰能殺白羸

且向芸窗磨鍔硯可憐歲序鎮如梭

題紀文達公閱微草堂筆記後三首

辰已興嗟閱幾時開編只恨我生遲司農學術天人貫
八公自題云寄語洛闕門弟子碑官原不入儒家勸懲大旨關風雅莫比齊諧謬妄詞

言多據典論無偏作史三長在筆先研理密能探象罔成書速亦等夷堅春秋大義祛誣說河洛真傳溯舊編博洽名齊錢曉徵與陸健男豈徒此帙足千年

戲語曾傳退食餘楹聯白挽燦瓊琚浮沈宦海如鷗鳥生死書叢似蠹魚二語公自挽句也秘閣縹緲留手迹天山風

雪駐行車丹鉛今日披遺籍想見篝燈屬艸初

戲咏雪橋

層層雁齒積瓊瑤宛轉裝成費琢雕一樣曉寒曾印屐
二分明月不聞簫玉闌晴絮風難捲銀漢飛虹影易消
渾訥詩情如鄭五苦吟驢背劇蕭條

和鑄范八閩二首

旄頭夜落海雲邊曲突何人計萬全揭木已聞謀白屋
拔釗猶自稅青錢雞籠社遠連兵氣鹿耳門開起燧煙
壯志平生消未盡興懷投筆更茫然

自分難逃斧鉞誅跳梁且復緩須臾裏屍莫問銅符失
乘馴還勞鍊甲驅醜族聚如龍吐影孤城危甚雉離翠

殲渠不日歸俘馘勝算由來仗廟謨

正月五日和鑄范坐雨書懷

空庭三日積愁霖獻歲偏令百感侵身世太倉餘一粟
聲名微帚享千金疏梅欲放春猶淺舊雨聯吟意倍深
莫歎相如徒四壁傳來新句盡琳瑯

鑄范假館予家有詩索和次其韻

題襟舊願幾曾違西漢儒林重布衣禮節粗疏交誼密
錙銖較計世情非漫因鴻鵠思矰繳翻笑驛驅受絡韁
攻玉有資深足喜不材應可免嘲譏

晨燈夜燭舊生涯學術宏深不自誇白社未妨威輦寢
絳帷還笑季長奢文章小就嗤名士典籍多藏本世家

努力相期崇令德莫將鼙輶炫詞華

讀東坡贈楊耆詩有感而作

酒酣拔劍起深悲根觸偏因一卷詩窮達有時終莫測
文章無命例如斯炎涼面目鵝籠幻遷改門庭燕壘移
二十年前全盛日淒涼舊事不堪思

舊物青瑣忍棄捐繁華過眼等雲煙家貧方解耽書史
性懶安能事陌阡寒士牛衣曾啜泣狂生犢鼻也高懸
不妨我尙誇華富負郭還餘數畝田

哭袁氏伯姊以繫

日采

廣州訃音

腸斷彎砧歌傳來一紙書歸魂從萬里掩淚對雙魚宦
迹辭鄉遠天涯負廡居羊城十年住回首付長歎

莫把蒼蒼問天心最不平知君常念弟況我已無兄離
別終成悔庭闈尙繫情一棺歸未得嶺嶠瘴雲橫

古廟佛

庭砌蒿萊半已蕪空堂牕有鼠銜鬚飄殘紅雨香花歇
銷盡黃金面目無說到六如原夢幻坐來雙樹閱榮枯
誰知善病維摩詰猶有吳生粉本摹

野渡舟

偶然繫纜傍溪杉往返平波小似蟻舊路屢循難改轍
便風縱好不張帆危灘橫處春潮急斷岸呼來夕照銜
漫羨壯游誇破浪瞿塘象馬戒方嚴

隔牆花

屋角樓頭見幾枝還隨蘿薜共離披艷分比屋春同賞
香趁東風蝶早知一瞥勝窺簾畔影半身如睹鏡中姿
那堪咫尺紅墻阻愁殺尋芳杜牧之

伏櫪馬

風雲壯志未銷沈廢棄徒嗟暮齒侵邊徼馳驅猶有夢
世途夷險久無心燕臺價枉千金值冀市恩曾一顧深
俯仰龍旂莫惆悵鹽車還苦力難任